



Broj: 04-40-1-337/24
Sarajevo, 03.12.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 02.12.2024. do 08:30 sati 03.12.2024. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su četiri manje intervencije, jednu na gašenju napuštenog objekta i tri obezbjeđenja aerodrom.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive i Bistrički potok, u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo izlaskom na navedene lokacije, dana 02.12.2024. godine, utvrdili su sljedeće stanje:

a) Lokalitet "Curine njive" – Opština Istočni Stari Grad i Općina Stari Grad (Bostarići)

Izlaskom na lice mjesta uočeno je da su na terenu i dalje prisutne duboke pukotine te da dolazi do pojave otjecanja vode iznad lokaliteta "Curine njive-igralište" (dio Opštine Istočni Stari Grad Sarajevo). Usljed snježnih padavina nije moguće utvrditi tačno stanje pukotina.

U gornjem dijelu odloženog materijala/nasipa nisu uočene pojave vode ili konstantan priliv vode u tijelo klizišta. Na predmetnom ugroženom terenu nisu konstatovani stalni tokovi vode. Povremeni bezimni potok se blago usjekao u centralnom i donjem dijelu padine/nasipa, a u dijelu njegovog korita na kratkom rastojanju od par metara se isti gubi infiltrirajući se u pukotine tijela klizišta.

Ranijim mjerenjem količine vode koja se pojavljuje u istočnom boku odloženog materijala/nasipa izmjereno je 2,2 l/min. Pojave vode u zapadnom dijelu klizišta neposredno ispod

nasipa ne može se tačno utvrditi. Ove vode prodiru u tijelo klizišta i slabe otporne karakteristike tla duž klizne plohe (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

b) Lokalitet "Knjeginjac" – Opština Istočni Stari Grad.

Izlaskom na lokalitet "Knjeginjac" utvrđeno je da se na predmetnom lokalitetu **ne vrši** odlaganja nove količine zemljanog i kamenog materijala odnosno da se ne izvode nikakvi građevinski radovi. Također, je utvrđeno da je od strane Opštine Istočni Stari Grad postavljen dio metalnih stubova i zaštitne ograde koje ima za cilj sprečavanje eventualnog odlaganja nove količine zemljanog i kamenog materijala.

Dana 02.12.2024.godine na lokalitetu "Knjeginjac" – Opština Istočni Stari Grad (na lokalitetu deponije) stanovnici MZ "Širokača" koji žive u području koje je ugroženo od klizišta održali su mirno protestno okupljanje. Cilj mirnog okupljanja je poticanje vlasti na hitnu reakciju i poduzimanje svih potrebnih mjera kako bi se na vrijeme spriječilo potencijalno klizište na Curinim njivama i zaustavilo ugrožavanje ljudskih života i njihove imovine.

c) Lokalitet Bistrički potok – Opština Stari Grad (Boguševac) i Opština Istočni Stari Grad.

Izlaskom na lice mjesta uočeno je da je i dalje djelimično zasuto korito Bistričkog potoka materijalom sa deponije, obrušnim stablima te ranije posječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala. Uslijed snježnih padavina nije moguće utvrditi tačno stanje korita potoka.

d) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj:08-40-1128-2/24 od 01.11.2024. godine.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024.godine, a koje je donio Općinski štab civilne zaštite Općine Stari Grad Sarajevo, nakon obilaska terena i stambenih objekata na navedenom lokalitetu od strane uposlenika/sekretara Službe za poslove mjesnih zajednica narednih dana nastavit će se sa evakuacijom i smještajem stanovništva u dostupne smještajne jedinice koje su osigurane posredstvom Općine Stari Grad Sarajevo i Kantona Sarajevo.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine te Naredbi broj: 08-40-1128-2.1/24 od 20.11.2024.godine, Općinski Štabovi civilne zaštite Centar Sarajevo i Novi Grad Sarajevo, kao i službe civilne zaštite navedenih općina, su u toku dana, 01.12.2024. godine u sklopu redovnih aktivnosti pružili neophodnu stručnu podršku Službi civilne zaštite Općine Stari Grad Sarajevo.

Policajska uprava Stari Grad Sarajevo nastavit će da vrši kontinuirane kontrole i nadziranje stambenih objekata iz kojih su evakuisani građani kako ne bi došlo do zloupotreba, te kako isti ne bi postali meta pljačkaša.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -1°C, vlažnost zraka 92%, barometarski pritisak 954,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a